

太上三洞神呪卷之四

列四

雷霆祈禱諸呪

祈晴七轉呪

一轉六神藏二轉四煞沒三轉陰霾收四轉淫雨止五轉乾坤煥耀六轉日月合明七轉封潭鎖海收攝陰霾不正之炁赴五雷之下受死滅形急急如律令

五方蠻雷呪

天道合真日月合明天清地寧五嶽摧傾明神輔我天威辟兵威鎮驅風速降如雲急急如律令

如律令

天大徹光地大烈光神明一召普濟萬方光明朗照追運五方身佩列宿上接天罡急急如律令

如律令

太乙元皇令攝天罡元始隱秘玉帝所藏成汝之妙立示五方吾劍一指雲霧高張急急如律令

如律令

天雷地雷聲震八方摧山倒嶽上徹大倉雷火速至擁雲蔽光吾今召汝齊到帝鄉急急如律令

八方洞潭普及萬物通天應地靈跡見罡天仙一吸齊到天罡急急如律令

淨壇呪

天上地下大力天丁輔助吾法掃蕩妖氛穢赤速滅蕩滌妖氛壇場淨道赤長存急急如律令

如律令

淨身呪

上真玄靈五斗覆身神清氣爽蕩穢安寧急急如律令

淨心呪

五炁正靈乾象變化胡衛輔佐心神無差急急如律令

變形呪

三天之令化吾之形青龍白虎侍衛我身邪鬼速遁真炁速生急急如律令

藏龜入斗呪

吾受天師盟心寶印佩受自然通幽達冥上徹洞天下達泉府吾行禹步願得昇仙三魂童子七魄真人隨吾禹步願度靈關急急如律令

妙用呪

先淨心毋雜想坐建方向破上存三清虛空仰領四聖萬兵將存我身驅邪相五斗光藏形狀前路罡後踴場我身明三光降吸入口無差安太陽火自卯降太陰水自酉降天罡星自中降紫白赤三色樣罩我身萬邪唱叩齒九四大暢三田光我身壯方書符為法藏

天心總呪

濛混溟滓海渥注湖煥輝炳焰燿煌燿燿青帝會神白帝居酉赤帝養炁黑帝通血黃帝中主一五三變散之萬殊回風合靈寂寔感通惟真惟應惡逆敢萌靖治而治以法召神以神召炁疑之自然周流天地天心有命萬神敬聽一羅斬煞二貪狼救三計都攝噬嚙囓喇嚙喇娑訶所召其將疾速前來急急如律令

敕四直呪

天靈地靈三五交并吾奉帝敕糾察邪精直日功曹承行將吏不得稽停速去速來吾當坐待攝

運雷局呪

天雷隱隱地雷轟轟陰雷速發陽雷速鳴雷  
威驚動龍虎交橫日月羅列照耀分明十二  
功曹五雷使者六甲六丁執符而行急急如  
律令

日竟符呪

赤鱸丹炁玄天育精剛以受柔炎火陰英日  
晨元景號曰大明九陽齊化二象俱生凝魂  
和魄五炁之精中生五帝乘光御形採飛以  
靈根根得盈首中龍和披朱帶青轡烏流玄  
霞映上清賜書玉東金闕刻名服食朝華與  
道合靈飛仙太微上升紫庭急急如律令

日竟呪

太微丹書名曰開明致日上魂來化某形平  
日穢粉發自玄玄庭飛華水日根金精紫映  
流光號曰五靈急急如律令

月鬼符呪

黃精玄輝元陰上炁散鬱寒飈修靈歛胃虛  
波瀾頰挺濯停器月晶夜景玄宮上貴五宮  
夫人各保母位赤天飛入嬰女續至四陰三

合光芒萬方和魂制魄五胎流光乘霞飛精

逸虛於東首結靈雲景幸昭風左帶虎符右  
腰龍章鳳羽雲帔玉珮全璫審樹結柯號曰  
木王神幟控根有虧有光明精內應玄水吐  
香賜書玉札刻名雲房服食月華與真合同  
飛仙紫微上朝太皇急急如律令

月鬼呪

紫微黃書名曰太玄散月華水養魄和魂方  
中嚴事發自玄闕藏天隱月五靈夫人飛光  
九道映朗泥丸急急如律令

敕筆墨硯呪

太陽一照陰鬼當推神未明日九露太微我  
今所化萬惡俱衰七炁成斗三炁成台二星  
洞照符到速追筆為神劔墨為戈戟硯為龍  
池朱為百藥筆法治病書篆天符所到奉行  
萬邪俱伏急急如律令

三台斗呪

上台虛精保我年齡中台六淳衛我身形下  
台曲生拜謁三清  
披斗神呪

頭頂天圓足履地方手執河魁體仗天罡日  
為圓象月為圓光身披北斗六律九章能驅  
萬神消滅不祥吾今一敕鬼恠滅亡急急如  
律令

辛天君鐵帽符呪

朝天鐵帽天火揚揚一擲萬里地火煌煌頭  
頂三台下鎮九良大罩山魁魂散魄士小罩  
精恠普掃不祥一罩乾坤昏黑二罩日月无  
光三罩江河枯竭四罩草木焦黃五罩雷光  
萬丈六罩風雨八方七罩家門清吉八罩神  
煞移藏九罩先亡收攝十罩遠殄嘉黃十一  
罩虎狼滅迹十二罩病者安康吾奉玉皇上  
帝敕敕下雷電鄧辛張五方天兵與霹靂奉  
單三界不正神喝云天帥統領五方雷將對  
嶽地祇上張天羅下布地網火速罩定魔鬼  
毋令走漏疾

召小翻山張賢聖呪

吾佩帝敕斬殺萬神元益將帥速現威靈隨  
吾符去追攝萬神魁五首捉至壇庭山魁  
木客石壓火焚敢有違令罪準天刑急急如

律令

召混元十功曹呪

混元啓教一炁分真六天有命掌握萬神三  
 台蓋體五斗藏形鑿天斧鉞護衛我真雷帥  
 往來知吾姓名十大功曹聽吾令行出納陰  
 陽各有司存滌蕩功曹破穢除氛掃邪功曹  
 縛鬼斬精報事功曹通達凡情度厄功曹益  
 算延齡守衛功曹定魄安魂救難功曹保痊  
 催生附體功曹攝魄提魂天醫功曹布藥飛  
 針治病功曹通炁養真運炁功曹如意攻行  
 驅除邪黨攻鍊患身五藏六腑敢不澄清百  
 關通暢三焦和平神符一道氣脉安寧急急  
 如律令

混元治病呪

混元一炁高辛之餘付我弟子疾攝疾除五  
 方正炁布吾形軀諸大功曹如意攻行謹召  
 十大功曹針砭小吏布炁治病神負天醫大  
 聖隨呼即至遇召即臨萬呪萬靈不得違令  
 敢有違令罪在雷霆急急如律令

又

先天先地元始祖炁刺死上生長生在世玉  
 皇心印鬼神皆避匡維三界統攝萬靈元始  
 總印萬神奉行

白蛇將軍治邪呪

白蛇威焰變化无方以目看天日月无光以  
 目視下百草焦黃邪魔見者摧死奔喪吾驅  
 在手殺恠除殃不問遠近捉至壇場準吾號  
 令疾速奉行急急如律令

召風輪周將軍呪

混沌浩蕩一炁初分北方有將號曰風輪身  
 長千丈鐵面將軍興雲吐霧頃刻而生隊仗  
 千萬滌蕩鬼神或魔或鬼或妖或精或速或  
 近或親或隣風輪一蕩鬼无逃形吾奉帝命  
 敢不遵承火速蕩動要見分明速至速至疾  
 速至

禹步辟虎狼呪

四縱五橫六甲六丁蚩尤治道蒙恬步兵適  
 行天下曲戈反復所有一切虎狼賊盜凶惡  
 等並赴吾魁星之下無動無作急急如律令

祭六丁呪

天之所育地之所生上受神符可以長生仙  
 人輔已玉女佐形二十八宿記列星名五方  
 五色黑白赤青中央黃帝與我俱并受符之  
 後所願如意破滅群精自知不真勿當吾真  
 自知不神莫當吾神前去封侯後出斬首急  
 急如律令

六丁護身呪

仁高護我丁丑保我仁和度我丁酉保全仁  
 燦管現丁巳養神太陰華蓋地户天門吾行  
 禹步玄女真人明堂坐卧隱伏藏身急急如  
 律令

召朱將軍呪

嗷呼呼玉帝敕朱彥速降臨流鈴急召馳風  
 雲雙目如環耀日月黑面威猛摧崑崙闡令  
 翻身離帝闕准敕飛步下壇庭助吾大道興  
 正教救汝考打不信人敢有邪巫為不道金  
 樵一下攝其魂攝捉生魂來附體自迷自附  
 考生身六洞冤魔皆粉碎十方疫癘化為塵  
 嗷呼呼玉帝敕朱彥速降臨吾今召汝得力  
 將吾今召汝得力神嗷呼呼敕速降臨千里

報應在只今速降速降疾速降急急如律令  
遣朱將軍呪

玄雷陰君天令之尊玉皇赤幟統領雷兵飛  
風驟雨海沸雲騰湧身鼓舞過天橫行山崩  
石裂威鎮乾坤生人不信急附其身金桓亂  
舞鐵棒交橫飛天魔王活捉橫飛空霹靂  
霹靂兇群邪巫七祖歸碎心傾飛索六合剪  
縛陽寬擲火萬里破穢除氛千邪不干萬惡  
潛形上帝有救火急奉行急急如律令

救符水呪

北斗五雷主黑暗鳴天鼓風伯掃蕩黃電女  
除病苦霹靂伐妖精雨師行法雨灌溉入三  
焦清涼通臟腑重處即時輕損處即時補熱  
處即時涼積處即時去危處即時安痛處即  
時住急急如律令

雷劔呪

罡神巽風雷電深濛五龍雷震北溟龜紫力  
重無邊衆將捧迎請雷聲發風隨雷奔急疾

雷令呪

都雷主者奉命行刑伯温都帥猛吏漢臣推

山倒嶽吐霧興雲三司猛將八門毒雷發  
天鼓討捕邪精降魔伏惡大地升平急急如  
律令

雷符呪

太一冥冥奉敕速行雷靈將吏發雷天丁祛  
雷速發稟敕奉行輒敢違令冒犯天真如違  
帝敕如逆上清急急如律令

鑊天呪

赤角垂文北帝崑崙騰天倒地煞伐妖精上  
帝有敕普召衆神急急如律令

興雷致雨呪

北方壬癸精南方大火鈴噉叫奔雷電呼吸  
生風雲搏風擲水火掌中霹靂生撼動崑崙  
柱河清翻四溟關伯摧山嶽百川兩如繩氣  
氤水火凝滂沱成方盈不得違吾令上奏於

四靈若違吾令者有如逆上清天帝滅汝身  
鄧都戮汝形急急如律令

伏土神呪

星煙復應五土社神披靈散惡黑錄霹靂開  
知騰碎應召潛形當吾者死拒吾者刑神威

一發急急概行驅雷速發速起天星急急如  
律令

破巽呪

霹靂震動雷火逆光乾履斗跨魁躡罡五  
雷迅發內雷發光照沸四海映徹扶桑雷神  
諸將速起巽方急急如律令

開乾呪

都天雷公赫奕乾坤神龍協衛山嶽摧傾邪  
神魔魅敢有張鱗雷公衝擊碎滅其形鬼佐  
蕩盡人道安寧急急如律令

遁形呪

那那驛驛左帶南斗右帶北極以江為宅天  
翻地覆九道昏塞以東為西以南為北使其  
邪鬼心地迷亂來追我者路不可得乘車逐  
我必折其軸乘馬追我者其兩目飛行尋我  
禿其兩翼步行追我腫其兩足天翻地覆五  
道皆塞來也無蹤去也無跡天地真機鬼神  
難測明星北斗萬里却敵黃神越章誅鬼除  
劫憎我者死背我者亡牽牛織女隔斷兩江  
急急如律令

開地脉呪

敕召五雷公風火急相通劃開巽戶裂陸炁  
上騰空太乙飛光耀光映火雷衝九天降真  
炁雷發震巽宮吾今行符呪攝罡乘九龍絳  
炁天有敕致雨頃刻中雷公火急起雷令斬  
不容邪妖碎沉泥霹靂伐惡索稍違太乙令  
攝汝送北野急急如律令

神蟹呪

太玄皓帝伯京玄真飛天鼓從致雨與雲丹  
天妙虛甲乙神君飛雷迅電致雨如傾雷車  
雷降邵陽神君木神太乙三山雄明神符一  
下急趕神蟹大降猛雨不得稍停一切妖蜮  
押赴蓬刑天獄主令準符奉行

欵火風呪

飛天欵火腋首呼風太虛鼓蕩威雄適中推  
山倒嶽飛石騰空真王誥命速出巽宮急急  
如律令

欵火雷呪

飛天欵火神極威雷上下太極周遍四維翻  
天倒嶽海沸山摧六龍鼓震令下速追急急

如律令

欵火電呪

飛天欵火迤眼流星奔飛火電照敗魔形靈  
光四照玉符回明靈姬協祐天地肅清急急  
如律令

欵火雲呪

飛天欵火駕景雲龍海嶽稽首萬神敬從兩  
師風伯來往其中如違上令破身火鎔黑雲  
速起應運無窮急急如律令

欵火雨呪

飛天欵火轉運神雷東昇陽谷西運龍臺南  
旋天府北轉河魁驅龍致雨符到速追急急  
如律令

欵火開睛呪

水官馳禁不鎖雷城輪脫其車鬼盜其瓶飛  
天欵火大布陽晶赫日景熾山谷藏雲急急  
如律令

欵火析雷呪

飛天欵火轉運東靈上相仙師瑞光聚疑罡  
風剪水變化瑤英威光正紀天地肅清真王

敷化神變玉經急急如律令

信符心呪

玉清信令降下雷霆三司六府左右靈君何  
君急吏專轉魁罡崑崙入煞撼動天輪五帝  
鼓筆書篆天章九天三界胡耀輝光總錄名  
籍電光飛揚霹靂迅發轟滅邪殃符命到處  
疾速奉行急急如律令

法水呪

日華流晶月華流无掃蕩克惡萬禍滅亡真  
官將吏威布雷罡法水四布萬福來祥

搏搦風雲呪

天帝承風有令穹窿以汝名字在吾掌中把  
握天地皆護我躬雷師往來知汝姓名吾意  
其事所有皆從如違口敷化汝作虹雷公將  
軍吾知汝姓吾知汝名急急如律令

靈官召役呪

紫微敕令元帥齊臨敢有不順風火滅形神  
威到處不得又停輒敢抗拒骨碎微塵急急  
如律令

天靈地靈正一靈光附我身三五將軍從我

行代天行化輔國救民闡揚道法速降真靈  
急急如律令

靈官遣邪呪

玉皇降敕朱祈顯靈太上太真中界靈神誅  
斬妖精達天斬鬼達地斬精收攝衆邪萬死  
千生太真保錄太甲易形連依吾命勦馘魔  
群急急如律令

火府鄧君呪

三炁成精總領雷兵攝伏鬼崇變化通靈飛  
大萬里起霧驅雲上帝救命斬滅鬼神急急  
如律令

移星遮日呪

三天頒降掌握雷霆日光帝子列漢星辰開  
吾令下急急滅形雷電風雨火急來臨急急  
如律令

天府辛君呪

天冥地冥三五交并雷雲風電掃剪妖精如  
有違令霹靂斬形急急如律令

運雷心呪

青帝之中赤帝之憤白帝之衣黑帝之勒黃

帝之孫太昊之職來自無夷去向無域出為  
風雷動為霹靂火急奔馳雷火烜赫興雲駕  
霧推山控石日月交蝕陰陽返責社令推車  
嶽靈捉攝鬼哭神愁天昏地黑五方真炁聚  
而為一自己真炁晝夜往來曰大都飯元宮

中住金木水火土星為極陰陽之神生殺萬  
物吾奉玉帝敕召雷神召汝變化汝急運動  
飛砂走石萬里急急

會雷神呪

青帝雷公肝裏出赤帝雷公心裏出白帝雷  
公肺裏出黑帝雷公腎裏出黃帝雷公頂中  
出押雷大將膽中生閃電雷公眼裏出九天  
靚雷公鼻裏出四季雷公口中發霹靂雷公  
台上行五方變雷耳中出兩師風伯雨詹生  
三百六十骨節裏雷家眷屬一齊行八萬四  
千毛孔裏神雷天將駕雲行一千二百形影  
子雷公電母破袞管直入靈壇社廟去打破  
邪魔瘟鬼管開口呵炁為天火二呵地氣滿  
城生陰火陽火一齊發燒破邪魔下鬼營急  
若伐壇破廟了事須吸炁便收兵想見五方

雷部眾來雲求合我身形急急如律令

立霄壇呪

五方五土五神五熱化壇三層制立雷法天  
雷在頭地雷在足水雷在左龍雷在右呼陰  
召陽五雷纏腹吹炁成風呵炁成火雷火電  
光常在兩目十二功曹聽吾驅逐天火雷神  
地火雷神五雷降臨鎖鬼開精一轉六神藏  
二轉四煞沒三轉動魁罡四轉雷火騰五轉  
霹靂發六轉山鬼死七轉收攝下界一十五  
種斷頭截足之鬼赴吾魁罡之下無動無作  
雷勢轉轟壇索三層隨劍指割然神速出急  
急急如律令

展旗呪

五雷猛將火車將軍騰天倒地部領雷兵隊  
仗千萬搜捉邪精聞吾立召不得久停

卓劍呪

青華大帝敕賜劍召雷神上按九天炁後燦  
七星明卓劍天地動雷火電先生急急如律  
令

下令呪

大令奉行威震十方雷霆浩濤運徹天罡雷  
火號令帝律急彰

焚符呪

吾奉帝敕速召五雷雷奔電掣助吾行威蕩  
妖吞孽摧魔伐非神光急照萬惡俱摧流鈴  
急召雷火轟飛淩呼咭喇吡四目老醜準令  
急至不得違律急急如律令

遣直符呪

直符使者覺現威靈五方降炁驅雷伏神上  
帝有敕傳奉雷霆承牒前去不得久停吾在  
壇右卓劍相待疾

布斗藏鬼呪

七星靈光魁魁協陽魁魁贊位魁魁總輔  
靈應徵侍帝之傍統攝魔王臣行躡罡名攝  
雷霆密輔大道天真降臨上台一黃新怪除  
殃中台二張雷雷驚蕩下台三素威劍神王  
角亢房心尾箕在左斗牛女虛危室壁在  
後奎婁胃昂畢箕參在右井鬼柳星張翼軫  
在前吾左按三鬼右定七鬼六神定命遮鬼  
蓋鬼急急如律令

南斗罡呪

巽方雷居乾天大成坤離之位誅斬不停破  
地召雷霹靂乃驚炎燒空速速應明

召龍呪

五方五帝海濱河漢諸天龍王聞吾符命火  
急奉行急急如律令

致雨呪

六丁六甲雷電振陰縛龍神將扶桑帝君鐵  
符到處萬神咸聽急急如律令

發罡呪

北斗皇皇統制五方雷公電母霹靂施張浩  
浩大煞凜凜天權隨吾罡步呼陰召陽急急  
如律令

召雷公神呪

嗒摩吒噠嗒咭吡吒摩攝敵哪嗒咽氣和中  
養三鬼內育七鬼雷公電母隨鼓而擊銅爪  
唵飛毛羽吒攝嗒充南北攝至東西臨空色  
及該遂飛空黃中理炁黑暗蕩蕩震起斗牛  
神奔鬼愁三令閉塞五神徘徊金神騰駕木  
郎大神水充玄女大降離明土安五官日月

朗變龍虎交橫風雨應至江河倒逆山嶽摧  
崩充天破地萬丈並行天帝雷公陰陽雷公  
四令雷公六甲雷公霹靂雷公發水雷公八  
風雷公十雨雷公閃電雷公天道雷公興雲  
雷公行雨雷公五殺雷公四瀆雷公八節雷  
公六候雷公大川雷公溪谷雷公五湖雷公  
四海雷公鳴鼓雷公轟輪雷公火車雷公火  
輪雷公移山雷公走石雷公撒火雷公灑兩  
雷公降雪雷公布霜雷公破陣雷公驅邪雷  
公光明雷公降瘟雷公黑暗雷公火印雷公  
雷公掣電所往無虞龍宮海藏寶貝龍珠世  
間之寶是吾所聚天下鬼神受吾所祛有一  
不伏雷斧劈誅嗒救雷帥五雷主宰欽大伯  
濕鐵筆大仙猛吏漢臣關伯大神邵陽將軍  
謝仙將軍火鈴將軍火輪將軍五雷將軍左  
右將軍木郎大神雷師皓翁天丁力士雷公  
電母風伯雨師行雨龍王蒼牙大神都水使  
者五雷使者察善使者莫賺使者斬劫使者  
掌龍使者罰惡使者掌令上吏青絲娘子素  
光童子驅雷使神驅邪滅精救助群品家國

安寧九天有命秘光敷繁南宮雷部元帥雷  
兵準令奉行奄敷火都元帥九天敷命明  
離精神奄敷然攝橫天巨霸速起急急如律  
令

召杜令雷呪

乾天流霞玉池風耀元仙師火震空玄應大  
帝祛天惡坤辰土巽速皓公翻江復神妖神  
滅復金獸乳洞祛神摧山倒嶽靈雷至提靈  
關伯動幽靈呼風啞吹攝幽臺履坤躡斗霹  
煙雲萬神稟奉千妖死具那攝神鎮妖神靈  
雷震霹威雲降黑煙火蓋逆異精霹形列魄  
飛天惡杜令雷神速降靈急急如律令

召神雷呪

天地徘徊運動風雷雲雨隨行電影去來陰  
陽助力後合前開仰惟天神火急相催風伯  
雨師立造龍臺玉皇有敕不得違時急急如  
律令

破地召雷咒

九鳳靈官破穢除點台入斗退中居金光選  
冕指罽上罩我金形去玉虛先罩吾身變濁

形神雷使即吾身神靈吾將相隨逐神逐  
吾靈將逐神召攝雷兵前後迎風騰雲布起  
雷轟天昏地黑皆掌握便存電掣起雷聲左  
足先登踏巽位水升火降妙陰陽雷從地發  
皆陰翳離火騰空應起罽坤單震允雙丁起

鬼良單從去坎方坎單速至乾宮上心朝心  
拜奏名章回身入斗至魁步擊起風雲撼兩  
場黑雲天地皆遮蔽三台列宿護身藏指定  
鬼門入南斗離行至勝起神光從此行符開  
地脉風雷兩致萬民康更加辰戌斗臨處上  
應開天不可當天雷龍雷神水社五龍雷電  
助威揚要知破地召雷訣口傳心秘違宮蒼

五龍呪

五帝五龍降光行風廣布潤澤輔佐雷公五  
湖四海水聚朝宗神霄符命汝當聽從敢有  
違者雷斧不容急急如律令

雷車呪

雷光電光太一伏藏帝君起水社令前當雨  
令何閉風火何平神威月華金仙發程水火  
同流韓伯負舟三官開明五帝信幽起復濛

水浩瀚无休急急如律令

收雨呪

金轉玉回天雲散開榮蕙降瑞雨塵靜埃持  
運加時烏兔相催流火烜赫止水除災急急  
如律令

金真空洞呪

羅天毒獸備衛四門吞魔割膽兇醜萬群大  
斧鏖天猛馬高奔猛龍奮爪金頭橫吞威兵  
巨萬受符拔山六天不拘合完成群妖魔鬼  
魅穢蒸氛氣詭歌空洞亂出障宸小鬼鼓形  
雷人生門神玉所告无究不聞上攝六天下  
統河源五嶽四瀆善惡速分千千萬萬來至  
我前五帝按錄有功者宜免魔干試東形帝  
君敢不從命所誅无存屠肝割腹斬首滅根  
北府清蕩南陵火焚金真掃迹流鈴捕覓妖  
妄无道極盡形原身披天書遵行王文滌蕩  
九炁清明三元玄靈降真上合自然敢有干  
試威動上聞急急如律令

制魔呪

吾是帝君之臣名書上清下統六天普及幽



冥北帝鬼部悉是我營我之所禦何鬼敢生左佩豁落右帶火鈴擲火萬里威制萬靈有犯者戮有子者刑帝君有命收捕无停天罡駭動群魔東形鬼妖滅種我得長生急急如律令

護身敕符呪

太上老君教我殺鬼賜我神方上呼玉女收攝不祥登仙左契足躡魁罡左祛六丁右役六甲前有黃神後有越章吾令行法不避群兇先煞惡鬼後煞夜光何神不伏何鬼敢當當吾者死背吾者亡所求稱遂所履榮昌萬事和合萬邪滅蹤急急如律令

召敕魁神呪

魁神聖神疾速通靈上帝敕差北帝撒行飛符急速不得停留三天有命玉帝金章四聖叮嚀何鬼敢當吾奉帝敕召靈官暫離午位速赴壇場統領火兵斷却不祥救民疾苦大賜厥光天籙到處永斷邪殃急急如律令  
召魁神副帥呪  
八威吐毒身現白鱗兩目閃電口張火盆頭

如山嶽噴動風雷洋波滄海衝倒崑崙搜尋魔鬼蕩滌妖氛盡毒山魁拽倒橫吞遵吾號令火速現形唯恐發叫喇攝

魁神攝邪呪

飛龍騎飛水雲飛虎騎哮吼奔神將吏兵飛捉飛騰擊星侵凌攝南陽魁魁魁星摩虎神魁攝自然消魁魁捉邪崇輔弼看鬼招吾呼靈官將火急攝身攝天水聖地水靈疾速與顛邪謹請九天雲雷使者速降天雷霹靂助吾行壇天關地軸入吾水中天地昏沉墨黑風狂吏飛砂走石撼天天崩撼地地裂撼落鬼魂撼鬼鬼滅謹召韓高姚三大將赴吾水中天也顛地也顛二十八宿走似箭邪也顛鬼也顛攝赴壇前疾速顛唵吽聚魂攝唵啞啞啞啞訶天崩地裂人生鬼滅開其龔啞立便通說衰天天崩衰地地裂衰人生衰鬼鬼滅急急如律令

敕火符呪

雷電號令天地清寧雷霆猛吏敕火大神驅雷社令賊戮邪精通傳報應考究姓名雷伯

大仙急降其靈急急如律令

敕火連呪

乾曜太乙敕火之精驅雷掣電削伐魔精飛騰五嶽萬總雲弄新神滅鬼火部中靈急急如律令

敕五雷呪

天雷帝火地雷風火陽雷神火陰雷金火土雷真火流金火鈴破洞伐廟賊妖滅精安鎮家宅匡濟生靈雷符所告萬神咸聽急急如律令

治祟呪

吾與天公除萬殃化體人間作鬼玉身長十丈口齒方銅牙鐵爪飛電光前驅霹靂後鑊湯迅雷掣電走天罡草木焦枯盡摧傷崩若裂石斷橋深兩目閃爍耀天地一怒海沸五嶽傾斬妖吞孽滅兇強攝捉寸斬斷災殃與雲致雨頃刻間五方雷電起龍章吾持神呪莫敢當魍魎妖精盡滅亡急急如律令

太上三洞神呪卷之四